

## 48. gr.

Hverja þá skipun, sem samkvæmt þessari reglugerð heimilast að gefa forráðamönnum skips, skal gefa stýrimanni, ef skipstjóri er ekki á skipinu og eigi heldur umboðsmaður hans skv. 10. gr. Ef stýrimaður er fjarverandi, má gefa einhverjum öðrum af skipshöfninni skipunina og er það jafngilt því, sem skipstjóri hefði fengið skipunina sjálfur.

## 49. gr.

Brot gegn reglugerð þessari varða sektum allt að 100 000.00 krónum, nema þyngri refsing liggji við samkvæmt almennum lögum. Sektirnar renna í hafnarsjóð.

## 50. gr.

Með mál út af reglugerð þessari skal fara að hætti opinberra mála.

Reglugerð þessi staðfestist hér með samkvæmt hafnalögum nr. 48 frá 29. apríl 1967, til að öðlast gildi og birtist til eftirbreytni öllum þeim, sem hlut eiga að máli.

Jafnframt fellur úr gildi reglugerð um hafnargjöld fyrir Grundarfjarðarhöfn nr. 106 27. júlí 1962 og breytingar frá 25. apríl 1966.

*Samgönguráðuneytið, 3. apríl 1970.*

**Ingólfur Jónsson.**

*Kristinn Gunnarsson.*

13. febrúar 1970.

Nr. 67.

## S A M Þ Y K K T

fyrir vatnsveitufélag Litla-Árskógssands.

## 1. gr.

Félagið heitir Vatnsveitufélag Litla-Árskógssands. Heimili þess og varnarþing er í Árskógshreppi Eyjafjarðarsýslu.

## 2. gr.

Tilgangur félagsins er að sjá þorpinu fyrir vatni.

## 3. gr.

Skylt er öllum þeim, sem eiga hús á félagssvæðinu, að vera meðlimir Vatnsveitufélagsins, nema til komi ákvæði 23. gr. 2. löluliðs vatnalaga nr. 15 20. júní 1923, og skal hver húseigandi greiða um leið og hann gerist félagsmaður, óafturkræft stofngjald til félagsins sem fylgifé húseignarinnar, að upphæð að minnsta kosti kr. 500.00, enda telst hann ekki fullgildur félagsmaður fyrr en sú greiðsla hefur verið af hendi innt. Vilji einhver húseigandi leggja fram hærra stofngjald, skal hann tilgreina upphæð þess um leið og hann gerist félagsmaður.

Vatnslögn í fjós, þvottahús, sem áföst eru við íbúðarhús, og aðra smáskúra, sem í þarf vatn og eingöngu eru til heimilisnotkunar, telst undir sama stofngjald og íbúðarhúsið, en af innlögn í öll hús, er heyra undir sjálfstæðan rekstur, skal greiða stofngjald. Félagsskylda samkvæmt 1. málsg. er því skilyrði háð, að húseiganda séu látin í té afnot af vatni því, sem félagið hefur umráð yfir á hverjum tíma.

## 4. gr.

Rétt er að taka nýja meðlimi í félagið, ef lögmatgur félagsfundur samþykkir, enda sé slíks máls getið í fundarboði. Hinn nýi félagsmaður skal greiða að sínum hluta, frá því er hann gekk í félagið, öll gjöld, sem á félaginu hvíla og með sama

hætti sem aðrir félagar, nema öðruvísi semji. Sjálfur skal hann kosta allar þær framkvæmdir, sem nauðsynlegar eru sérstaklega hans vegna til þess að hann geti notað mannvirki félagsins.

## 5. gr.

Vatnsskatt skal innheimta árlega af hverri innlögn eða íbúð. Skal félagsstjórn tiltaka upphæð skattsins þannig, að hann nægi til greiðslu vaxta og afborgunar stofnkostnaðar við aðalleiðslu vatnsveitunnar, rekstrarkostnaðar vatnsveitunnar og viðhalds hennar.

Fái menn utan félagsins vatn frá vatnsveitunni, skal þeim reiknaður 25% hærri vatnsskattur en félagsmönnum.

Félagsstjórnin ákveður upphæð vatnsskattsins fyrir eitt reikningsár félagsins — þ. e. almanaksár — í senn. Heimilt er stjórninni að leggja viðbótarskatt á félagsmenn, ef sýnt þykir, að áður ákvarðaður skattur nægi ekki til að standast útgjöld félagsins. Nemi viðbótarskatturinn 10% af áður álögðum vatnsskatti, þarf stjórnin þó samþykki lögmeats félagsfundar til aukaálagningarinnar.

Geri tekjur félagsins betur en að hrökkva fyrir gjöldum þess, skulu 25% tekjufgangs lögð sem fyrningargjald í varasjóð, en afganginum ráðstafað samkvæmt ákvörðun aðalfundar.

Sjóði félagsins skal ávaxta í sparisjóði eða banka eða með öðrum jafntryggum hætti, þó þannig að peningarnir geti orðið handbærir með 3ja mánaða fyrirvara.

Gjöld skv. 1. mgr. þessarar greinar og 1. mgr 3. gr. ásamt áföllnum innheimtuskostnaði má taka lög taki, og skulu þau njóta sama forgönguréttar í þrotabúum, sem skattar eða gjöld til ríkisins.

Á hverri innlögn skal vera lokunarkrani, sem loka má og innsigla, ef ekki er staðið í skilum um greiðslu gjalda til félagsins.

Eignir félagsins standa til fullnustu skuldbindingum þess. Enginn félagsmanni ber ábyrgð á þeim umfram þau gjöld, sem þeim er gert að greiða til félagsins samkvæmt ákvæðum samþykktar þessarar. Til þess að skuldbinda félagsmenn vegna félagsins umfram það, sem nú var sagt, þarf samþykki  $\frac{3}{4}$  allra félagsmanna á lögmeatum félagsfundu.

## 6. gr.

Félagsstjórn er skylt að boða til félagsfundar, ef 5 félagar eða 2 stjórnarmeðlimir krefjast þess, enda tiltaki þeir hvert sé tilefni kröfunnar.

## 7. gr.

Félagsfundur er lögmeatur, ef helmingur félagsmanna sækir hann, enda hafi verið löglega til fundarins boðað. Hafi tvisvar verið boðaður félagsfundur vegna ónógrar fundarsóknar, skal síðari fundurinn talinn lögmeatur, — hver svo sem fundarsókn verður, — svo framarlega sem fundurinn hafi verið löglega boðaður.

Fundur er löglega boðaður, sé fundarboð auglýst á opinberum stað a. m. k. 2 sólarhringum áður en fundurinn á að hefjast. Þó er fundur löglega boðaður, þótt fyrirvari sé skemmri, ef hverjum félagsmanni er tilkynnt fundarboðið persónulega, en þá verður félagsstjórnin að geta sannað, að hún hafi náð til  $\frac{3}{4}$  félagsmanna að minnsta kosti.

## 8. gr.

Á félagsfundum hafa allir félagsmenn jafnan atkvæðisrétt, og ræður afl atkvæða úrslitum. Félagsmaður getur ekki falið öðrum að fara með atkvæði sitt. Sé félagsmaður forstöðumaður fyrirtækis eða opinberrar stofnunar eða sjóðs, getur hann ekki farið með umboð fyrirtækisins eða stofnunarinnar gagnvart Vatnsveitufélaginu, heldur skal það umboð falið manni utan Vatnsveitufélagsins, sem tilnefndur er sérstaklega í þessu skyni af stjórn hlutaðeigandi fyrirtækis eða stofnunar.

## 9. gr.

Aðalfundur félagsins skal haldinn eigi síðar en 1. apríl ár hvert. Skal til hans boðað með auglýsingu á opinberum stað með a. m. k. 2ja sólarhringa fyrirvara.

Aðalfundur er lögmætur, ef  $\frac{3}{4}$  félagsmanna sækir hann. Hafi þrisvar verið boðað til aðalfundar vegna ónógrar fundarsóknar, telst þriðji fundurinn lögmætur, hver svo sem fundarsókn verður.

Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess og kosnir 3 menn í stjórn og 3 til vara og 2 endurskoðendur og 1 til vara, allir til eins árs í senn. Liggi fyrir aðalfundi önnur mál en venjuleg aðalfundarstörf, skal þeirra getið í fundarboði.

## 10. gr.

Færa skal gerðabók um aðalfundi félagsins og almenna félagsfundi. Skal fundarritari lesa fundargerðina í lok fundar og undirrita hana síðan samþykkt á samt formanni félagsstjórnar eða fundarstjóra.

## 11. gr.

Stjórn félagsins skiptir sjálf með sér verkum. Starf stjórnar og endurskoðenda skal vera ólaunað. Formaður stjórnarinnar kveður stjórnina saman til funda og boðar til félagsfunda og aðalfundar. Stjórnarfundir eru því aðeins lögmætir, að allir stjórnarmenn séu mættir. Í forföllum aðalmanna taka varamenn sæti í stjórninni í þeirri röð, sem atkvæðamagn þeirra segir til um. Séu atkvæði jöfn, ræður hlutkesti. Færa skal gerðarbók stjórnarfunda, og skal ritari stjórnarinnar lesa fundargerð í lok hvers fundar og undirrita, ásamt formanni, þegar hún hefur verið samþykkt.

## 12. gr.

Stjórn félagsins ræður vatnsveitunni umsjónarmann. Skal hann annast reikningshald félagsins, innheimtu á gjöldum til þess og viðgerðir og viðhald á vatnsveitunni. Að launum fyrir starfa sinn skal umsjónarmaður hafa 6% af brúttótekjum félagsins, nema öðruvísi sé um samið.

## 13. gr.

Segja má maður sig úr félaginu, er  $\frac{2}{3}$  félagsmanna samþykkja á lögmætum félagsfundi, eða ef svo reynist, að landareign hans verður mun meiri kostnaður að félagsskapnum en öðrum landareignum, samanborið við hagnaðinn eða hagræðið. Úr ágreiningi um hið síðarnefnda atriði skal skorið með mati, sem skjóta má til fullnaðarúrskurðar félagsmálaráðherra. Ef maður segir sig úr félaginu, skal hann ábyrgjast öll þau gjöld, sem á hann hafa fallið samkvæmt ákvæðum samþykktar þessarar til þess tíma, er hann fer úr félaginu.

## 14. gr.

Félaginu skal slíta, ef ályktun um það er samþykkt á tveim lögmætum félagsfundum í röð, enda séu ályktuninni fylgjandi eigi færri en  $\frac{2}{3}$  allra félagsmanna. Um skipti og meðferð á eignum félagsins fer eftir ákvæðum 1. kafla vatnalaga nr. 15 20. júní 1923 og fyrirmælum skiptalaganna, eftir því, sem við á. Verði eignir umfram skuldir, skal þeim skipt milli félagsmanna að rétttri tiltölu við þá fjárhæð, sem hver þeirra hefur samtals greitt til félagsins.

## 15. gr.

Verði félaginu slitið, skal Árskógshreppur eiga rétt á að kaupa eignir þess fyrir matsverð, ef ekki nást samningar um verðið.

Til matsins skal hvor aðili nefna 2 menn, en sýslumaður Eyjafjarðarsýslu oddamann.

## 16. gr.

Samþykktum þessum verður ekki breytt nema á aðalfundi, enda hafi breyttingartillagnanna verið getið í fundarboði og að minnsta kosti  $\frac{2}{3}$  atkvæðisbærna fundarmanna séu samþykkir þeim.

Samþykkt þessi staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 13. febrúar 1970.*

F. h. r.

**Hjálmar Vilhjálmsson.**

*Hallgrímur Dalberg.*

**REGLUGERÐ****fyrir vatnsveitu Litla-Árskógssands.**

## 1. gr.

Vatnsveitufélag Litla-Árskógssands hefur einkaleyfi til sölu vatns á svæði því, sem vatnsveitan nær yfir, og hún getur fullnægt, svo og til hafnar á Litla-Árskógssandi.

## 2. gr.

Öll framkvæmdastörf, er vatnsveituna varða, annast stjórn félagsins. Skal hún skipuð 3 mönnum og jafnmörgum til vara.

## 3. gr.

Vatnsveitan lætur leggja aðalvatnsæðar um félagssvæðið svo víða, sem fært þykir, svo að húseigendur eigi greiðan aðgang að þeim í fyrirhuguðu vegarstæði eða götu, þar sem það er hægt, eða sem næst lóðarmörkum. Frá aðalæðum skulu húseigendur sjálfir leggja vatnsæðar í hús sín á sinn kostnað.

## 4. gr.

Hver sá, sem vill komast í samband við vatnsveituna, skal senda skriflega umsókn þar um. Umsókninni skulu fylgja upplýsingar um, hve mikið vatn viðkomandi telur sig þurfa að nota.

## 5. gr.

Skylt er húseiganda að halda vatnsæðum sínum vel við, og láta tafarlaust gera við þær, ef leki kemur að þeim eða aðrar bilanir. Hann skal sérstaklega gæta þess, að ekki frjósi í þeim. Sama skylda hvílir á lóðareiganda. Enginn má setja aflvélar í samband við vatnsveituna, nema með samþykki félagsstjórnar og með þeim útbúnaði, sem hún telur tryggan.

## 6. gr.

Félagsstjórn getur fyrirskipað takmörkun á vatnsnotkun, ef skortur er á vatni. Þá getur hún lokað fyrir vatnið, ef þess þarf, vegna hreinsunar á vatnsgeymum, eða viðgerðar á vatnsæðum. Slík lokun skal tilkynnt fyrirfram, ef nokkur tók eru á. Fullan vatnsskatt ber að greiða, þótt slík lokun fari fram.

## 7. gr.

Félagsstjórn er heimilt að loka fyrir vatn hjá þeim, sem eftir ítrekaða áminningu eyða vatni að óþörfu, eða vanrækja að gera við bilanir á leiðslum sínum, svo